



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Druzbicki, Kaspar

Ingolstadii, 1732

VD18 90066332

Exerc. 4. Memoria Dei nobis præsentis, vult, & facit nos Sanctos.

urn:nbn:de:hbz:466:1-45396

forma illam in omnem similitudinem tuam. Hæc enim Vita æterna, & omne bonum; pulchrescere Speciositate tuâ, & induere illam sibi, quam completissimo, tibi simillimo, atque etiam simul completissimo modo, &c. Nunc ergo Domine, qui pulcher es, & decorus, & omnia tibi conjuncta pulchra facis, & decora, infunde mihi pulchritudinem quam diligis in te, quam cupis in me.

EXERCITIUM IV.

Memoria DEI nobis presentis, vult, & facit nos Sanctos.

1. **C**OGITA DEUM semper, & ubique tibi presentem, & te quoque coram illo, cuius oculis omnia nuda sunt & aperta, nec est invisibilis ulla Creatura, ullave Creaturæ conditio, & operatio, in conspectu ejus.

2. Ille est, qui dicit & imperat omnibus *Lev. 11. 44.* Sancti eritis, quoniam & ego Sanctus sum: ille est qui Abrahamo præcepit, & id ipsum simul omnibus servis suis indixit: Abraham: *Gen. 17. 1.* ambula coram me: & esto perfectus. Tales nimirum vult esse suos Amicos, qualis ipse est: perfectos, sicut ipse perfectus est, innocentes, sicut ipse innocens est, Sanctos sicut ipse Sanctus est. *Lev. 10. 3.* Sanctificabo (inquit) in eis, qui appropinquant mihi.

3. Propterea, etsi omnibus creaturis, pulcherrimum tamen suis servis, & justis: adest semper præsens: tum ut semper paratum habeant in ipso refugium atque auxilium: tum ut semper tueatur omnes commotiones ipsorum, conversationesque cordium, & affectionum ipsorum

Hæc ut se illis in speculum, atque specimen, & regulam exhibeat perfectissimam, ad quam quidquid operantur, operentur, exigantque, tanquam ad normam, & libellam universam vitam suam, quod factitasse prædicantur Zacharias, cum Elisabeth, de quibus affirmatur: *Erant justi ambo ante DEUM incedentes in omnibus mandatis, & justificationibus Domini, sine querelâ.*

Luc. I. 6.

IV. Vide ergo, ô homo, quàm sanctè, castè, ferventer, Deo tibi semper præsentem, debeas deservire, quam perfectè coram illo, quàm sollicitè cum illo ambulare. Quandoquidem ideo tibi semper præsens est, spectans, & percensens acutissimè, simul & æquissime, omnes vias tuas, omnes conatus tuos, quos in ipsius perfectum servitium expendis, quibus & seipsum suamque Sanctissimam Voluntatem, in Regulam, & ideam proponit: quibus, si eos tales, quales par est, sedulo adhibes, copiosa gratiæ suæ, internarumque consolationum, æternæ etiam beatitudinis, sanctificationis quoque & perfectionis eximiæ, præmia, & in præsentem largitur, & in futuro servat. Quod si in conspectu Majestatis, & Sanctitatis ejus exemplaris, negligentius te geris, & opera perfecta coram eo non facis, & ignem non sanctuarii, sed fatuum, aut communem in sacrificium ejus adhibere audes; severè, non minus, quàm irremissibiliter castiget insipientiam tuam: sanctificeturque in suâ justitiâ, & in castigatione tua.

5. Gratias age Deo, quia per suam intimam Præsentiam tibi adhærendo, omnesque gressus tuos exactissime inspiciendo, imponit tibi necessitatem, proponitque simul perfectam regulam,

G: D...
Luci
oper: ...
Tom II
Nov
57

lam, sancte, & perfectè semper agendi: minutissimas quasque imperfectiones, & negligentias, dilationesque damnosas, evitandi: omniferventissimo, cumulatissimoque cum Gratiam merito, gustusque Divini explendi studio elaborandi, utpote qui cuncta facias, ante ferentissimos Dignissimi DEI oculos, cuncta cernentes.

6. Erubescere de tua somnolentia, inconstantia, temeritate, qui cum scias, Deum ita die noctuque super custodiam tuam vigilare, omnemque commotiones tuas internas, & externas annotare, veluti si totius reliquæ creaturæ obiectus, unum te solum, tuaque solius omnia generaliter consideret; tu tamen adeo nihil, vel admodum parum hac Dei super te Vigilantia commoveri, ut quidquid libuerit, etiam licere putes tibi Deoque præsentis, & universa tua intuenti, non solum negligenter, verum etiam fraudulenter insequaris: miserrimamque, ac inquinatissimam in Divino ipsius obsequio curam adhibeas; perinde, ac sic vel Deum esse, & tibi adesse non crederes; vel opera tua, ab eo videri, suoque tempore iudicatum iri severissimè, non timeres.

7. Pete à Deo, ut etiam sicut Abrahamæ, tibi dicat: *Ambula coram me, & esto perfectus* detque tibi gratiam suam magnam, qua adjuvetur efficaciter, sollicitè ambules cum Deo tuo, cum Sancto sanctus sis.

8. Propone exactissimam cunctis in operibus diligentiam, ferventissimamque ac in Deum liberalissimam mentis curam: ita ut tibi obiectum non possit: *non video opera tua plena coram Deo*

meo: potius dies pleni inveniantur in te: & ex
veritate attestantis conscientiae tuae, nec non Di-
vinæ, dicas Deo; *In toto corde meo exquisivi te, ut
non peccem tibi.*

Pf. 72. 10.

Pf. 11. 10.

P R A X I S.

DEUS, cujus Natura Sanctitas, & cui cum Sera-
phinis omnis creatura clamat, Sanctus, San-
ctus, Sanctus, Dominus Deus Sabaoth, qui Creaturas
tuas Sanctas, & vis, & facis, & amas; effunde su-
per nos Sanctissimæ Præsentia tuae lucem, sanctifica-
tionisque Spiritum, ut per Sanctitatis tuae Præsen-
tiam, universus Vita nostra famulatus, coram te in
Sanctæ Perfectionis gratiâ procedat, tuæque Sancti-
tatis plenitudine semper coram te fulgeat, fulgendo
crescat, crescendoque perseveret.

EXERCITIUM V.

*Deus nobis praesens semper, adjuvat
nos semper.*

1. CONSTITUE te DEO præsentem, simulque
Deum tibi: te quidem Deo, tanquam
indigentissimum opis Divinæ. Deum autem
tibi, tanquam *adjutorem in opportunitatibus.* Ne-
que enim aliâ de causâ, vel Deus te, vel tu Deo
præsentem indiges, nisi ut ille tibi opem in omni-
bus exhibeat: quoniam alius non est qui adju-
vet; tu autem opem ab illo per singula momen-
ta in omnibus viis tuis, partim exposcas, partim
expectes, partim accipias, & pro acceptâ, illi gra-
tias agas, eumque glorifices.

Pf. 9. 10.

2. Hoc est ipsiusmet Domini Dei nostri ju-
dicium, ita per Prophetam dicentis. *Invocame*
in

Pf. 49. 19.

G: D...
S...
oper: ...
Tom II
N...
5...